

經

何仲默先生詩集卷十三

關西李三才校

五言排律

復庵王公錦

斯人中土彥未老卽重泉薦鴉推前達乘驄憶少年
聲名起霄漢詞翰落雲煙志在身先退才高道亦全
劍橫常自許寶棄復誰憐世業襄城舊孤墳汝路偏
脩文應地下遺像儼生前未得瞻風槩空令涕淚懸

愚菴王公壤

大夫元曠達襟抱絕塵氛香署星辰列清班鸛鷺群

兩都看宦達百家重庶勤要地能知止危途耻策勲
早投南郭隱不待北山文身向歸來律名從死後聞
一官無厚業諸子有餘芬鳴瑟哀梁木遺書落案芸
風花虛館榭煙草自丘墳野路東流水空山歲暮雲
九原長不起回首一懷君

悼馬詩

并序

予家買得一馬齒小而良丁卯歲季夏十五
夜予忽夢一龍子立堦下跼蹐而死夢警僮
在戶外呼曰廐馬死廐馬死予恠且惜之作

悼馬詩十韻

乘爾方踰歲何期病忽危四蹄猶未鑿雙淚泫長垂
渥水千年降房星一夜隳早逢田子歎終遣塞翁悲
顧影辭金絡遺孩戀敝帷詎能酬飼秣那復效驅馳
苜蓿殘空櫪莓苔滿故池風塵思駿力煙海失龍姿
惆悵玄黃句淒涼赭白詞平生精志在不愧主人知

中元節有感

去歲中元節朝陵百職同嚴趨神路左遙拜孝園東
龍虎瞻王氣乾坤仰帝功未迴衡嶽駕空遺鼎湖弓
啓兆龜圖順編年鳳曆終玉衣陳畫幄寶瑟闕玄宮
北極猶前日南薰亦舊風病居逢此日長望五雲中

雷

十月鳴雷動中霄萬壑哀初聞蟠地出忽覺遠庭迴
夜水蛟龍鬪寒山風雨來江濤何處拆天柱此時摧
詎識乾坤意深愁號令垂攬衣還不寐坐望積陰開

友竹

買園惟種竹身與竹爲儔一逕白雲裏千竿清吹幽
江亭朝對雨水榭早迎秋翠袖天寒倚朱絃日暮愁
風因故人至月爲此君留逸駕今誰並前身是子猷
人多嫌寂寞吾獨慕清修苦節長如此虛心不外求
琴樽忘老病几席共綢繆歲晚根逾固霜繁花益稠
山空鷓鴣怨海濶鳳凰憂高志寧須待深棲且自謀
何因孤興發吹笛上君樓

壽許司馬

間代生豪傑乘時見哲人雄姿龍馬異偉器廟廊珍
浩蕩天開運崔嵬嶽降神扶持元有自制作固無倫
磊落先朝事崢嶸報主身九霄隨日月萬里出風
塵柱下曾簪筆臺端早拽紳觸邪持豸角糾繆逆龍
鱗道直官頻謫時危志不伸流言鑠金石雅操厲松
筠行路知桓典專城借寇恂清譽高士論優詔闡
皇仁紫禁彈冠入黃沙捧節巡讜謨仍寡合正氣凜

難馴厚寵臨危辱幽期邁隱淪班行看解綬河上羨
垂緡謝卧東山裏夷歸北海濱蒼生懸望切青瑣薦
書頻改革逢多難倉皇憶舊臣 帝心虛簡在神武
藉經綸指顧三邊靜吹噓四表春 朝廷推汲黜帷
幄用陳遵圖識魚蛇變營觀虎豹馴赤墀分雨露畫
省接星辰下殿常宣問臨軒數見親御香携袖滿瑞
錦賜袍新不屈朱門貴能憐白屋貧散衙時待士開
閣晚留賓片善無攸伏微言得具陳重闈俱鏤鏤諸
子益振振竇氏燕山柱莊生漆園椿趨庭羅彩服列
鼎席文茵夢燕佳辰協乘牛紫氣真庶司欽軌範斯
世待陶甄願保喬崧歲長登要路津頌聲垂琬琰勲
業上麒麟未進瞻休采愚衷實忭欣魏公中士彥誰
謂德無鄰

聞河南捷呈閣內諸公

近得河南定旋收東海疆元兇親受縛餘孽遠潛藏
始失徐關險終連郢塞長狐狸窺社稷螻蟻竊侯王
清洛千營駐黃河一葦航詎能逃汝漢那敢傍嵩卬
勇畧傳諸將兵威借朔方中臣兼節制上宰極扶匡
霽色瞻宮殿陰氛散渺茫凱音連報捷獻壽屢稱觴
天子開麟閣羣公奉柏梁中興當此日漢武是 今

皇愴往衣冠禍哀茲盜賊猖缺戕悲相國開網見殷
湯格闕中原血誅求海內瘡猶須哀痛詔可少治安
章斟酌調元氣扶持立紀綱薦新行太廟覽政坐明
堂不獨殲豺虎還應感鳳凰蒼生倚君相拭目看時
康

簡粹夫

二十知學道于今猶未真白髮空愁我金丹不遇人
側身向天地舉足墮風塵乘雲空有興涉海浩無津
聞君能鍊骨妙論頗通神倘惠長生術高揖謝親賓
送梁鴻臚次孟望之韻

王官葉縣宰仙令漢庭聞寵餞傾朝俊清光憶近君
鷁舟三峽去鳧舄九霄分錦水流營月巴山入陣雲
朝廷再遣將郡邑半從君雍齒封侯地期君早樹勲
寄贈王秉衡御史

獨坐清關內臺中覺汝賢亟嶠天下險周召國風先
按節人文朗登臺使命宣豺狼避驄馬神鬼泣龍泉
文彩驚流輩微庸憶往年衣冠隨謁帝館閣望登仙
省接星辰近池臨雨露偏畏途逢改革新法忤權奸
放逐江湖去飄零歲月遷地卑棲鍛羽天近起聯翩
殘寇猶衝突蒼生極倒懸專征空授鉞募戰豈論錢

漂血江河赤僵尸楚蜀連俊才兼武畧要地有威權
馬上排金戟軍前贈玉鞭笑譚安石計激切賈山篇
漢苑南山下秦城北斗邊相思一回首萬里各風煙

贈良伯

帝座神仙侶天河烏鵲橋常時異棲息今日共雲霄
念子飛騰入相看衢路遙人猶惜驟裏吾已歎鷓鴣
苑旭高雲閣宮花並玉鑣明光美起草努力在清朝

贈劉生

劉生何激昂下筆已成章誰敢輕年少相交盡老蒼
王揚操翰墨游夏早升堂汗血真龍種奇毛本鳳凰

炎天雷王樹花夕映冠裳霄路雲鴻羽他時看爾翔

方朔圖

調笑東方朔沉酣金馬門竊桃王母見懷肉漢皇恩
月下雙鸞返雲間八駿奔玉盤春不獻丹核代長存
事往丹青錯圖開錦繡屯素湍搖弱水玄圃拆崑崙
種樹非潘縣迷花似楚村千年一結實萬古自蟠根
海日紅猶爛天風裊更繁神仙皆羽翼洲島異乾坤
無路乘黃鶴何由踏赤鯤市朝棲大隱那識歲星魂
秉衡在獄中感懷有作二十韻

朋儔日皐蹇念汝涕如瀆賈誼生非晚鄒陽志不羣

書從梁獄上哭向漢庭聞天地虞羅密江湖釣餌芬
路豺那可問屋鼠竟難燠已懼蒼蠅點真成貝錦文
神龍在污淖鷲鳥失青雲日月盆還覆薰蕕器不分
斗間誰辯劍野外枉懷芹談虎嗟何及亡猿禍已云
高才元脫畧衆口但紛紜木直防先伐蘭芳忌自焚
書臺幽白日冬井下霜氛曉闡明星晷陰牆白草燠
連驂虛繾綣尺牘阻慙慙石父遭齊相鐘儀滯楚軍
受書賢不死演易聖猶勤縲紲終非罪文章固有勲
燕臣霜霰烈庶女震雷殷佇見 天王聖金雞早赦
君

郊觀二十二韻

今代園丘地天開壯麗區神祇二后配禮樂百王殊
制作由 皇祖儀章藉老儒萬靈欽受紀七聖亶承
圖柴望兼虞典登封畧漢模巍基錯采繪法象備堪
輿丹戶乾坤闢雕墻海嶽扶瑤壇上星斗琳觀俯虛
無輔弼朝玄座勾陳衛紫樞風含浴殿暖雲裊露盤
孤好時瞻春祀嵩高聽夜呼公侯守禁禦虎旅發金
吾王輦臨犧宰珍饈走膳夫廟縣鏞鼓列庭舞羽干
趨俎豆聯周籩圭璋飾夏瑚祠官足錦繡道士住蓬
壺澤草三花綻宮霞五色敷時時聆磬管鬱鬱鎖松

梧日月藏金櫃龜龍秘赤符祈天洪洛誥渡海斥秦
誣杜甫唐三禮班生漢兩都侍臣從此賦千載頌文
謨

送鄭伯生送親還夾陵

送喜潘輿動承懽解玉簪私情烏鳥疏恩詔鳳凰林
晝錦供萊服秋懷罷越吟路難回馭志江穩放舟心
雨露殘冬景風塵靜夕陰荆門巴國盡巫峽楚宮深
碧樹猶春色黃鸝更好音莫因鄉土樂長往故山岑
壽泉山先生

德業台衡望精神光獄靈漢儲懷羽翼周士服儀刑

綬烏登三省臯比擁六經飛章白獸闥解組鳳凰亭
慷慨陽城餞悽惶楚澤醒丹心對日月白首卧滄溟
積慶瓊源濬垂芳奕葉馨綵衣萊子宴玉樹謝家庭
海嶠神仙窟煙霄鳧鶴翎棲身葺薜荔返老斲松苓
花映衣裳古芝凝眉髮青三山開壽域萬里動文星
雨露知桃李春秋報莢實 聖朝耆俊禮早晚到雲
肩

七言排律

平夷所老人

平夷老人髮兩肩哀哀淚落古城前歲收斗粟輸田

賦日向諸鄰乞米錢風雨饑寒趨路側子孫流落避
兵年青春有伴難還土白首無家尚戍邊官裏征徭
何日已軍中苦樂古來偏魂驚戰鼓心猶怯臂中飛
弧肉盡穿獨去負戈巡夜若誰來銷甲種春田朝
廷得意思柔遠闔幄謨猷在識先夷狄本爲王者外
卒徒能受帥師憐敢愁溝壑填衰謝只擬封疆息穢
糴我願摩前法唐將籌邊有策到今傳

何仲默先生詩集卷第十三

何仲默先生詩集卷十四

關西李三才 校

五言絕句

兵書峽

空巖一卷書綠苔字應滅志決功不成千秋有餘烈

絡緯吟

絡緯催寒女悲吟入總幃秋風啼不斷相伴下鳴機

雨後十首

水漲孤村白天垂四野青開門秋雨霽閒步郭西亭

其二

何仲默詩集 卷十四
竟夕雨連舍今朝雲出溪輕雷千嶂外斜日數家西
其三

三日不出門草長門前路登樓一水明倚柱千山暮
其四

人歸郭門樹鳥噪野田風雨散高城上日落深澗中
其五

畫角城隈起風吹響入雲清秋易生感深夜更多聞
其六

遙看三角山正在雲生處日暮山中人空攀荔枝樹
其七

片片白鷗鳥看人隊隊飛沙頭莫相認與爾久忘機
其八

檻倚崩沙出籬通亂水過家人休掃石自愛碧苔多
其九

朝聞城西鍾暮望城西寺寺傍二古松長藤垂到地
其十

塘邊楊柳樹春條秋未催已送黃鸝去還看白鷺來
八哥

牕前八哥鳥學語大輕狂何須似鸚鵡自遣羽毛傷
獨坐

獨坐鳴蟲起秋懷已不勝西風牕下度木葉灑寒燈
獨立

獨立對秋陰真真望河渚只見沙上煙不見煙中雨
風雨

西郊秋日暮雨細更風斜應爲重陽近來催菊著花
長安

白雲望不盡高樓空倚欄中霄鴻鴈過來處是長安
簡趙雪舟乞菊二首

聞道君家菊黃花爛熳開若能移贈我端勝白衣來
其二

我有白玉酒君有黃金花相見九日到分送野人家

九月桃梨花

九月桃梨樹花開滿故枝寄言車馬客不是豔陽時

寄東之副使二首

百里山河外孤城雨雪中遷鶯猶未起應是待春風

其二

長安經歲別日日望春歸不及隨陽鳥雙雙又北飛

寄孫世其四首

騾褭如龍馬長鳴碧草萋萋莫將千里志慙悔蹶霜蹄

其二

對書當為讀對食當為飽平生無限事努力在遠道
其三

戴生北上日吾吟寶劍篇相過若相見高詠亦堪傳
其四

旅食京華暮那能不憶家封書何日至塞鴈一行斜
白雪曲十首

美人朝玩雪置酒臨高臺祇疑仲春月風送落花來
其二

舞雪流中堂揮袖拂不去細看簷外花半着庭中樹
其三

暗逐梁塵起潛隨燭影流似憐歌舞處故故入高樓

其四

弱雪不到地宛轉高雲裏時有飛花落風迴更吹起

其五

梅花開雪中相看鬪奇絕常教雪似花莫遣花成雪

其六

裊裊胷城煙皚皚積暮天六花呈此日三白兆新年

其七

豔曲燈前囀輕杯掌上揮開簾炫積素當戶挹流輝

其八

仙仙集
卷四
駿馬黃金鑣胡鷹赤錦絛風搏千里翮雪點五花毛
其九

公子狐白裘馳馬城東陌不見馬行影但見雪花白
其十

簾幃照明雪美人起常早行看玉階上一夜長瑤草
席上分得時字送豫齊二首

澤國登樓處江船見月時回書寄來便多是客中詩
其二

花影晚離離離離迢迢動遠思清宵不成寐山雨到牕時
雙梧草堂二首

君愛堂前樹差我碧幹雙相思秋月下楓子落雲牕
其二

記得別草堂采采桐始華銀牀飄一葉秋到美人家
扇面小景

山色碧於苔晴牕日日開遙知抱琴者應爲看山來
題畫二首

縹緲春山雲離離春江樹君看江上山不是人間世
其二

古洞入青冥山通武陵渡漁郎莫放舟恐失花間路
飲鮑以忠

仙仙集
卷四
五
萬戶夾垂楊君家大道傍相逢一樽酒何惜醉他鄉
謝泰公饋杏

饋我高林杏開函爛如火安得祗樹園從公問真果
送泰公茶

英英白雲華采采六山秀爲問病維摩此味清涼否
晚出左掖簡君采二首

其二
玉橋迴宛轉丹闕對嶙峋出入雲霄上蹉跎江海身

其二
露重芙蓉館雲輕翡翠城文園病司馬消渴望金莖
清明二首

城南好花樹不作看花行恰好人來日春風不放晴

其二

何限新桃李春來樹樹花不爭風雨惡無奈委泥沙

秋日簡川甫

紅葉翻霜畫青苔積暮天若無桓子過誰問子雲玄

答施生二首

二泉門下士海內早知名通家一書札萬里各含情

其二

日射江門動龍蟠海霧生排空有羽翼不上九天行
至日寄谷良伯

天邊登北樓歲暮望南國江梅與塞柳莫問春消息
十六夜賞月野堂宅

今夕非昨夕清光依舊多後庭開月燕窈窕轉春歌
鳳縣

畢郢藏龍地南岐集鳳岡嘉陵江水色萬古向西康
六言絕句

贈賈司教先生二首

春風桃李綠帳朝日首荷空盤王公不志溫飽鄭老
豈爲饑寒

其二

一賤一貴世態有憂有樂人情應纏關西夫子知魚
濠上先生

江南思寄曹毅之四首

燈下雨鳴秋舫浦口潮迴暮鐘何處相思不見江南
開遍芙蓉

其二

月冷荒祠苦竹秋清玉殿蒼苔一望雲帆無際沙明
白鳥飛來

其三

細雨寒城催棹夕陽孤嶼鳴鐘到寺莫題蕉葉渡江

何仲默詩集 卷四
七
爲採芙蓉

其四

竹淨娟娟帶月山
寒宵宵沉暉天邊
晚樹獨眺江上
春潮客歸

盤屋清明日二首

客裏遙逢令節
城中不見繁華
南山漠漠煙遠
清渭迢迢日斜

其二

獨樹桃花自發
高樓燕子誰家
可惜年年春色
催人白髮天涯

何仲默先生詩集卷十四

何仲默先生詩集卷十五

關西李三才校

七言絕句

玉菴爲黔國賦

虛閣清風竟日留
白雲暗對小牕幽
我題名字字琅玕
上珍重霜標柰得秋

遊黔國魚池四首

小岸城邊上輕舸
一溪宛轉向魚池
水藤濛濛荷葉
暗棹入中流總不知

其二

池邊二十五亭亭箇箇朱牕向水開亭下扁舟蕩雙
槳打魚送酒幾回來

其三

半竿斜日踈蒲明兩岸人語息不驚菱葉拂衣香袖
舉秋風吹浪綵舟輕

其四

三陣五陣打荷雨一點兩點照水螢笙歌畱客不知
夜燈火迴舟直到城

夷陵

夷陵城邊江水渾無數輕帆落遠津萬水雲中三峽

路狹聲愁殺渡江人

宮詞

碧草萋萋生御溝垂楊裊裊夾朱樓牕臨北斗空中
起水接銀河天上流

溪上水新至漫興四首

谿上水生三尺深茅堂清夏氣蕭森無錢卽買扁舟
至繫向門前柳樹陰

其二

雙飛鷓鴣戀青莎對舞蜻蜓愛碧波一夕水風開菡
萏畫船齊唱採蓮歌

其三

菡萏風前花不稀
菖蒲雨後葉初肥
黃鸝白鷺知人意
來往鸕鷀洲上飛

其四

碧沙青泥俱可憐
白鯁赤鯉不論錢
莫歎林翁生計拙
買船沽酒過年年

秋日雜興十五首

寒螿啼斷槿園空
萬樹凋傷八月中
只有南山蒼桂在
一株花發向秋風

其二

雨花風葉總堪憐
海燕江鴻各渺然
莫向高樓空悵望
暮蟬多在夕陽邊

其三

野亭千橘未全黃
青柿紅梨俱待霜
南鄰老翁種橡栗
已見兒童收滿牀

其四

系蔓青藤各一叢
野人籬落管西風
郊扉遠絕誰能到
秋日蟲鳴豆葉中

其五

道上高墳古鬱林
夕園空鎖碧藤陰
人言啼鳥多情

思却爲誰家作好音

其六

急杵繁砧一郡秋
西風落月萬家樓
不知塞下征人怨
但見閨中少婦愁

其七

八月飄零九月來
天時人事太相催
千紅萬紫都看過
只有黃花與白梅

其八

荻岸秋清似畫圖
風高沙雁起相呼
何如莫去瀟湘上
借爾煙波畫引雛

其九

釣臺臺下澗水清
釣臺臺上秋草生
當年誰是持綸者
賢隱山高萬古情

其十

溪上茅齊楓樹林
渚雲沙日共陰陰
連朝不遣家僮掃
紅葉蒼苔一尺深

其十一

柏林楓岸迥宜看
楊柳芙蓉不柰寒
最愛高樓好明月
莫教長笛倚闌干

其十二

斜日村原秋水多家家門巷好經過繁絃急管休相
聒田父山妻自解歌

其十三

蒼鳥挾子戲波瀾懶惰輕鷗不下灘白鷺照影秋塘
裏似爾心情亦太安

其十四

鱖鱖鯉魚三尺身纖鱗照水白如銀未須更論成龍
勢只在溪中亦有神

其十五

竹靜沙寒野日低門前秋草不成蹊山禽汝亦何多

夢來向棠梨樹上啼

雞鳴曲三首

雞鳴城中滿樹霜青樓旭日照流黃鳴箏錦瑟秋塵
裏玉鴈金蟬共一行

其二

青樓遙臨大道衢美人雞鳴着繡襦誰家公子過樓
下那不繫爾千金駒

其三

樓上羅幃映早霞不須重闕鏡中華春蘭秋菊皆零
落爭似菖蒲不作花

喜戴仲鵬得鄉薦二首

梁園宋苑却宜秋
夾道槐花照綺樓
試問東瀛海邊
住何如金明池上遊

其二

馬上秋風得意歸
丈夫豈是愛輕肥
傍人休訝新年
少曾向長安作布衣

慰任宏器諸友失第二首

莫將遲暮怨飛蓬
萬事還須問塞翁
黃鵠但教毛羽
在不妨失意下秋風

其二

青雲白髮大難平
去鴈來鴻亦世情
我亦少時曾得
意十年回首是浮名

對菊四首

三閭大夫不願醉
五柳先生不願醒
一醒一醉緣何
事坐對寒花煙滿庭

其二

菊過重陽開更繁
城中車馬未曾看
種來本是山家
物白露青霜共暮寒

其三

檻畔輝輝織月斜
幽香獨立殿年華
多情似與詩人

約一夜還開四五花

其四

露委煙斜更有情
黃花紫萼太分明
只教秋色常爲
主莫遣西風怨落英

葡萄二首

晴闌裊裊風鬚動
暑架垂垂露乳寒
却憶高樓清夏日
美人常對水晶盤

其二

漢家葡萄出西城
斗酒曾博涼州戍
當日誰知傳者
勞至今人種葡萄樹

簡賈司教二首

郭西茅屋帶峯巒
竹徑花闌亦可看
騎馬自來還自
去無人知是廣文官

其二

古壇雙樹挺秋煙
廢院殘花照暮天
門外掃除無俗
客我來時復伴青氊

首

吾郡古要害地也
閒居興懷追詠古跡作詩八
西來一道是淮源
南向千峯盡楚山
風雲尚擁蛟龍窟
天地曾開虎豹關

其二

寂寂孤城申伯臺，廢園遺沼盡堪哀。
繁華惟見東流去，歌舞空傳此地來。

其三

南山西嶺自天來，翠壁丹崖映日開。
不見當時卧龍者，只今惟有釣魚臺。

其四

仙人昔返上清家，畱下仙壇號紫霞。
世人不識蓬萊樹，道士空餐松柏花。

其五

郡西山畔舊禪宮，朝暮風煙多不同。
已見樓臺翠微裏，更聞鍾鼓白雲中。

其六

震雷山頭石潭水，夜夜蛟龍行雨歸。
青春下與滄溟會，白日常聞霹靂飛。

其七

楚關申戍鬱茫茫，野草春沙更斷腸。
山頭僧住何年，砦山下人耕古戰場。

其八

故謝城邊溪水流，郢中風物更堪愁。
行人欲問陽春

曲此地猶傳白雪樓

閨情

秋風嫋嫋生羅衣美人夜泣紅燭微郎騎白馬臨印
去樓上年年燕子歸

晚至昌平寺中

度盡青溪十里霜寒蕪落日下蒼茫山城薄酒無錢
買晚飯僧家石耳香

雪中謾興

長安雪花亂如雲復道層城望不分行客遙傳五侯
宅畫樓絲管畫紛紛

寫情

莫將錦瑟怨年華柳絮飄零夢謝家小院迴廊鎮春
晝何人來爲掃庭花

送鄉人還

楊柳花飛蕪草青故鄉南望幾長亭城邊客散重回
首愁見孤鴻落晚汀

聞歌

明月暫隨秦弄玉碧空遙度楚行雲莫言此曲終堪
聽孔雀東南各自分

諸將入朝十二首

北掃燕齊南楚吳風吹殺氣散輿圖蓬萊山下朝諸將
天子戎衣受虜俘

其二

大將龍旌朝帝京至尊親遣貴臣迎侍中獨領
嫖姚部戰馬皆歸龍虎營

其三

羣公陪宴栢梁臺殿上傳呼萬壽杯元戎節鉞來江
上使者樓船泛海迴

其四

河濟江淮血不流中原萬馬一時收黃金未散成功

士白燾先梟敗將頭

其五

河北諸軍盡有名雲中驍騎本輕生金裝白馬翩翩
出不見長安子弟兵

其六

玉佩金貂列上勳槌牛殺馬犒三軍萬里旌旗天上
度滿城金鼓日邊聞

其七

天下山河有洛中漢家州縣滿山東將軍不畫麒麟
像士卒休論汗馬功

其八

龍虎金陵擁 帝居吳關水府控淮徐樓船一鼓風
波力滄海鯨鯢依釜魚

其九

闕下千官待鳳樓苑中 天子建龍旂豹房虎圈先
班賞武帳前邊賜姓侯

其十

戰士歸來皆武冠紫纓驕馬跨金鞍可憐萬國城頭
月照見沙場白骨寒

其十一

少年生長在邊城介冑南征蟣虱生馬上朝來橫吹
曲梅花一半是吳聲

其十二

杲杲扶桑朝日升東瞻碣石海波澄正德七年誅叛
賊大明八葉觀中興

樊駙馬府中宴

主家行酒雙玉杯上客不醉歌頻催秦女簫中明月
度鳳凰樓上彩雲迴

閣中杏花

東掖杏花開不遲日邊春色獨先知未薦玉盤千歲

實空看仙閣五雲枝

孫太史席上贈呂揮使二首

壯士承恩天上還黃雲白雪暗西山破虜未傳青海
曲封侯須到玉門關

其二

白馬駢弓出薊門相逢意氣倒金尊功勳要識將軍

呂文字先看太史孫

贈薛君采二首

五花似玉麒麟骨八尺如龍驤裏身千金臺上求非
易萬馬羣中認未真

其二

爾夢仙人海上行蓬萊清淺不勝情金門再見東方
朔笑指蟠桃花更生

送韓汝慶還關中二首

六月西山雷雨低長安城中十日泥君騎鴻鵠冥冥
去此地愁看燕雀棲

其二

華岳雲臺萬里情高秋落日眺秦城黃河一線通滄
海身在仙人掌上行

燕京十六夜曲四首

御河橋畔千尺臺燕京女兒踏歌來臺上歌鍾日夕
起橋頭酒鑪深夜開

其二

萬歲山頭鎖玉樓十王館中人不遊中宵金鼓雲間
動翠輦龍衣過五侯

其三

九衢車馬似山河萬金買燈不道多已雷華月照歌
舞更放香風吹綺羅

其四

月高罷遊關九關暗塵吹汚香霧鬟誰家少年亦大

惡拾着金鈿不肯還

苦熱行十首

六月十一日苦熱奪伏爭秋番太強燕京何限好樓
閣袒走狂呼無地涼

其二

日午放朝車馬頻中天風火促颺輪侯宮戚館冰山
冷赤日黃埃渴殺人

其三

宮裏傳冰賜從官含霜弄雪白雲寒銀牀畫鎖璫璃
井玉殿陰沉瑪瑙盤

何仲異詩集 卷十五 十三
其四
午門朝罷午時過千官萬馬汗成河莫道宮中愛長
晝長晝宮中樂事多

其五

西山松柏千丈臺陰崖脚踏層冰開巖樓洞閣生霜
雪觸熱衝炎誰爲來

其六

長安萬家懸甌裏風捲塵沙當晝起五侯堂上冰成
山朝見成山暮成水

其七

城西山峻火雲峯丹梯無路躡芙蓉白石寺前堪避
暑先朝雷拔殿壇松

其八

赤地驕陽草不生河潭霹靂懶龍驚彎弓后羿非夸
父莫放青天十日行

其九

晝夜蚊蠅飛滿天穿牕撲帳攪人眠乘炎趨熱雖吾
畏露打霜飄不汝憐

其十

胡爲炎天動萬群昨傳遼水殺將軍 王師八月殲

猥狃兵氣遙蒸瀚海雲

內閣荷花二首

誰送仙葩此地栽
綵雲飛掌對蓬萊
雕闌玉檻圍花發
不放金盤十丈開

其二

風吹菡萏並頭開
水照金魚隊隊回
映日跳波珠易碎
接雲步障錦成堆

送鞏丞之金壇因訊養和

鞏丞若問金壇宰
爲見風流御史才
到日琴堂定無事
松廳竹檻對江開

雨望西山

碧山鳴雨過嵯峨
湖水風增萬頃波
千尺浮圖清暑殿
高牕白石細盤羅

送王提舉

日出帆高煙水空
嶺雲遙在粵天東
此行不爲浮江興
他日須傳煮海功

東岳亭

卜築東岳白石砮
孤亭裊裊出煙江
細分楊柳開風檻
倒影扶桑坐日牕

椒軒

春開軒地引紅椒錦樹西江望不適當戶踈簾看結
實背岡茅屋憶行條

寄少谷山人二首

武夷九曲上仙庭錦疊青天萬仞屏下望神人釣鰲
石北風吹霧海冥冥

其二

台嶽中峯綵霧生石梁遙挂赤霞城仙潭尺素傳雲
鯉報爾今尋華頂行

送陳進士還江西

廬山高起讀書臺萬卷少年今日開九派江流何處

入海風吹浪楚帆來

張子近得道士飲鹿血術欲試未得吾家有一
鹿吾欲取血飲張子臨庖哀呼不忍見歟乃作
詩遺張子焉

聞餐玉脯飲丹血補腦還精身體輕刀几卽看衰一
死道人那忍說長生

送甥朝良讀書梅黃山下

聞汝讀書山之中閉門千峯兼萬峯但知高鳳曾漂
麥不論丁生解夢松

寶雞縣

雞鳴山下古陳倉板屋千家清渭傍曲岸迢迢凌秀
麥流渠宛轉入垂楊

漢中歌二首

漢王昔日定三秦壯士東歸意氣新旌旗暗度陳倉
口父老重迎灞水濱

其二

燒棧登壇各有勲謀臣猛將鬱如雲關中自識龍顏
主海內爭看編素軍

終南篇

離宮別館舊京華表裏關河屬漢家二閣天圍青錦

障五臺雲湧石蓮花

職方奉使

卧遊亭在古椿園萬里輶車出塞垣天馬一從隨漢
使星槎誰復到河源

藩省旬宣

河南河北望行塵露冕褰帷拜野人嵩少風雲千里
色覃懷花柳萬家春

太卿考牧

當朝太僕世稱賢在駟常歌魯頌篇天上驪驥惟一
骨苑中駉牝實三千

都憲巡撫

西域百年通貢篚中丞萬里建旌旄坐掃蠻山開瘴
癘永令滇海息波濤

畫竹

誰開素練寫煙梢欲采琅玕奏玉簫猶憶鳳凰池閣
上坐聽風雨下層霄

米元章拜石圖


節比巖巖志比堅冠裳下拜也堪憐此意世人誰解
識至今空羨米家顛

何仲默先生詩集卷第十五

崇禎甲申三月十七日
山郭所解石在滄州
希文記



二



二